

MINISTARSTVO PRIVREDE

387

Na osnovu člana 50. stava 3. Zakona o rudarstvu Hercegovačko-neretvanskog kantona ("Službene novine Hercegovačko-neretvanskog kantona", broj 7/11), kantonalni ministar privrede donosi

PRAVILNIK

**O VOĐENJU KATASTRA ODOBRENIH
EKSPLOATAACIONIH POLJA, NAČINU
VOĐENJA ZBIRKE ISPRAVA I POPISA
PRIVREDNIH DRUŠTAVA KOJIMA SU
IZDATE DOZVOLE ZA EKSPLOATACIJU
MINERALNIH SIROVINA**

I. OPĆE ODREDBE**Član 1.**

(Predmet Pravilnika)

Ovim Pravilnikom propisuje se: Način vođenja katastra odobrenih eksploatacionih polja, način vođenja zbirke isprava i popisa privrednih društava kojima su izdate dozvole za eksploataciju mineralnih sirovina na teritoriji Hercegovačko-neretvanskog kantona (u daljnjem tekstu: Kanton).

Član 2.

(Uvid u katastar i registar)

Uvid u katastar odobrenih eksploatacionih polja i registar privrednih društava kojima su izdate dozvole za eksploataciju mineralnih sirovina po pismenom zahtjevu može izvršiti svako zainteresirano lice.

Uvjerenje o podacima sadržanim u katastru i registru izdaje Kantonalno ministarstvo privrede (u daljnjem tekstu: Ministarstvo) u roku od 8 dana od dana podnošenja urednog i kompletnog pismenog zahtjeva stranke.

II. KATASTAR ODOBRENIH EKSPLOATAACIONIH POLJA**Član 3.**

(Definicija katastra odobrenih eksploatacijskih polja)

Katastar odobrenih eksploatacionih polja (u daljnjem tekstu: katastar) u smislu ovog Pravilnika je javni registar koji na jedinstven način prikazuje sve relevantne činjenice za svako eksploataciono polje, za koje je izdana dozvola za eksploataciju mineralne sirovine.

Član 4.

(Način vođenja katastra)

- (1) Ministarstvo vodi katastar odobrenih eksploatacionih polja iz svoje nadležnosti
- (2) Ministarstvo dužno je primjerak eksploatacione dozvole dostaviti u Federalno ministarstvo energije, rudarstva i industrije radi evidentiranja u katastar.

Član 5.

(Forma vođenja Katastra)

- (1) Katastarski listovi se uspostavljaju i održavaju na jedinstvenim obrascima u računarskom programu Microsoft Office Excel-u i/ili nekom drugom adekvatnom računarskom programu i u obrascu su sadržani svi podaci iz člana 6. Pravilnika.
- (2) Upis u katastar, odnosno izmjene u katastru se vrše na osnovu dozvola koje je izdao nadležni organ.
- (3) Svako eksploataciono polje vodi se na jedinstvenom obrascu-katastarskom listu.
- (4) Katastarski listovi odobrenih eksploatacionih polja vode se na jedinstvenom obrascu 1. koji je sastavni dio ovog Pravilnika.
- (5) Koordinate eksploatacionog polja po X i Y osi prostorno se unose u geografsko informacijski sistem (GIS).

Član 6.

(Sadržaj katastarskog lista)

- (1) Katastarski list sadrži sljedeće podatke:
 - a) katastarski broj;
 - b) vrsta mineralne sirovine;
 - c) naziv ležišta;
 - d) lokalitet eksploatacionog polja;
 - e) općina na kojoj se nalazi eksploataciono polje;
 - f) naziv privrednog društva koje vrši eksploataciju;
 - g) adresa privrednog društva koje vrši eksploataciju;
 - h) broj, datum i organ koji je izdao dozvolu kojom je odobrena eksploatacija mineralne sirovine;
 - i) period važenja dozvole za eksploataciju mineralne sirovine;
 - j) površina eksploatacionog polja izražena u hektarima (ha);
 - k) način eksploatacije;
 - l) rok za pripremne radove;
 - m) broj, datum i organ koji je izdao dozvolu za proširenje/skraćenje eksploatacionog polja;
 - n) broj, datum i organ koji je izdao Rješenje o potpunoj i trajnoj obustavi eksploatacije.

Hercegovačko-neretvanskog kantona

- (2) U rubriku "mjesto za geografsku kartu šireg područja" unosi se karta razmjera R 1: 200 000, ili po mogućnosti manje razmjere.
- (3) U rubriku "koordinate eksploatacionog polja" unose se granice eksploatacijskog polja po X i Y osi.
- (4) U rubriku "obradio" i "datum" upisuje se ime i prezime obrađivača katastra eksploatacionog polja i datum unošenja/ažuriranja podataka.

Član 7.

(Obaveza kontinuiranog vođenja Katastra)

Vođenje i održavanje Katastra je kontinuiran zadatak i obaveza nosioca izrade Katastra.

Član 8.

(Preuzimanje i obnova katastra)

Podaci iz postojećeg katastra odobrenih eksploatacionih polja se preuzimaju, prilagođavaju i obrađuju sukladno sa odredbama ovog Pravilnika.

Privredno društvo dužno je na pismeni zahtjev Ministarstva dostaviti tražene podatke o eksploatacionom polju u cilju dopune katastra.

Član 9.

(Pohranjivanje podataka)

Nosilac izrade katastra dužan je svakih 12 mjeseci vršiti rezervno pohranjivanje podataka na eksterni hard disk.

Obrađeni katastarski listovi se štampaju i pohranjuju u registrator, poredani po katastarskim brojevima.

III. POPIS PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA

Član 10.

(Način vođenja popisa)

Popis privrednih društava kojima su izdate dozvole za eksploataciju mineralnih sirovina vodi se u registru u koji se abecednim redom upisuju nazivi privrednih društava kojima su izdate dozvole za eksploataciju.

Kod svakog naziva privrednog društva označava se katastarski broj eksploatacijskog polja.

Popis privrednih društava iz stava 1. ovog člana vodi se na obrascu 2. koji je sastavni dio ovog Pravilnika.

IV. ZBIRKA ISPRAVA PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA

Član 11.

(Zbirka isprava)

Za svako eksploataciono polje vodi se posebna zbirka isprava, svi spisi koji se odnose na određeno eksploataciono polje ulažu se u posebni omot.

Na omotu se označava broj katastarskog lista gdje je upisano eksploataciono polje.

Član 12.

(Popis spisa)

Svaki omot iz člana 11. ovog Pravilnika mora imati popis spisa po redu kako su ulagani u odnosni omot. Omoti se čuvaju odvojeno od drugih spisa.

V. PRELAZNE I ZAVRŠNE ODREDBE

Član 13.

(Stupanje Pravilnika na snagu)

Ovaj Pravilnik stupa na snagu osmog dana od dana objavljivanja u "Službenim novinama Hercegovačko-neretvanskog kantona".

Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo privrede

Broj: 07-04-02-232-2/12
Mostar, 04.09.2012. godine

MINISTAR
Amer Zagorčić, s.r.

Hercegovačko-neretvanskog kantona

Obrazac br. 1

Bosna i Hercegovina Federacija Bosne i Hercegovine Ministarstvo privrede/gospodarstva HNŽ/K						
Husnije Repca bb, Mostar 88000, tel. ++ 387 36 551 069, fax ++ 387 36 551 069 www.privredahnk.gov.ba						
KATASTAR ODOBRENIH EKSPLOATACIJSKIH POLJA						
a	Katastarski broj	b	Vrsta mineralne sirovine	c	Naziv ležišta	
d	Lokalitet	e	Općina			
f	Privredno/ gospodarsko društvo koje vrši eksploataciju	g	Adresa privredno/ gospodarstvo društva	h	Broj, datum i organ koji je izdao dozvolu za eksploataciju	
i	Period važenja dozvole za eksploataciju	j	Površina eksploatacijskog polja (ha)	k	Način eksploatacije	
l	Rok za pripremne radove	m	Broj, datum i organ koji je izdao dozvolu o proširenju/ skraćenju eksploat. polja	n	Broj, datum i organ koji je izdao Rješenje o potpunoj i trajnoj obustavi eksploatacije	
Zabilješke						
Mjesto za geografsku kartu šireg područja eksploatacijskog polja R 1: 200 000 i <				Koordinate eksploatacijskog polja		
				Točka	X	Y
				Obradio		
				Datum		

Obrazac br.2

R/B	Privredno / gospodarsko društvo	Katastarski broj eksploatacijskog polja
a	b	c

388

Ministar privrede Hercegovačko – neretvanskog kantona, na osnovu člana 55. stav (2) tačka b) Zakona o organizaciji uprave u Hercegovačko – neretvanskom kantonu („Službene novine HNK”, broj: 9/09) i člana 12. stav (4) Zakona o rudarstvu Hercegovačko – neretvanskog kantona („Službene novine HNK”, broj: 07/11), donosi

PRAVILNIK

O NAČINU RASPOLAGANJA MINERALNOM SIROVINOM I JALOVINOM ISKOPANOM PRILIKOM IZVOĐENJA GRAĐEVINSKIH I DRUGIH RADOVA

DIO PRVI – OPĆE ODREDBE

Član 1.

Ovim Pravilnikom uređuje se način raspolaganja mineralnom sirovinom i jalovinom iskopanom na području Hercegovačko-neretvanskog kantona (u daljem tekstu : HNK-a) prilikom izvođenja građevinskih i drugih radova u skladu sa propisima kojima se uređuje oblast prostornog uređenja i građenja, obaveze investitora, izvođača radova, ministarstva i jedinica lokalne samouprave, postupanje sa mineralnom sirovinom i jalovinom kod izvođenja

građevinskih radova, ugovor o prodaji, postupak određivanja cijene, raspodjela prihoda i druga pitanja od važnosti za način raspolaganja mineralnom sirovinom i jalovinom iskopanom prilikom izvođenja građevinskih i drugih radova.

Član 2.

(1) Izrazi upotrijebljeni u ovom Pravilniku imaju slijedeća značenja:

a) „mineralne sirovine” su neobnovljiva prirodna bogatstva koja je moguće posredno i neposredno privredno koristiti, a u smislu ovoga Pravilnika smatraju se mineralne sirovine navedene u članu 7. Zakona o rudarstvu u HNK-a („Službene novine HNK”, broj:07/11);

b) „jalovina” je materijal koji se dobije prilikom istražnih, eksploatacionih ili građevinskih i drugih radova, a nema karakter, niti vrijednost mineralne sirovine;

c) „eksploatacija” je vađenje mineralnih sirovina iz ležišta, njena prerada, oplemenjivanje i stavljanje u promet po osnovu odobrenja za eksploataciju mineralne sirovine i ugovora o koncesiji.

(2) Izrazi „građenje”, „građevina”, „investitor” i „izvedbeni projekat” uređeni su posebnim zakonom kojim se uređuje oblast prostornog uređenja i građenja.